

Avannaata Kommuniani qimmit pillugit ileqqoreqqusaq

Kingusinnerpaamik Inatsisartut inatsisaat nr. 24, 28. november 2016-imi allanngortinneqartumi Qimmit qimuttut, kiisalu qimmeqarneq qitsuuteqarnerlu pillugit Inatsisartut inatsisaat nr. 18, 30. oktober 1998-imeersumi § 13, imm. 1, aamma § 28, imm. 2 aamma 4 malillugit aalajangerneqarpoq:

Kapitali 1

Atuuffissaa

§ 1. Ileqqoreqqusaq manna Avannaata Kommuniani qimmiutitut atuuttuuvoq.

§ 2. Avannaata Kommuniata nunami sumiiffigisaa Qimmit qimuttut, kiisalu qimmeqarneq qitsuuteqarnerlu pillugit Inatsisartut inatsisaanni nassuiarneqartutut qimminik qimuttoqarfiup iluaniippoq.

Kapitali 2

Aalajangersakkat tamatigoortut

§ 3. Avannaata Kommuniani kommunalbestyrelsimit allaganngorlugu akuersissummik pissarsiaqarnerup kingornatigut Avannaata Kommuniani qimmiuteqarneq taamaallaat pisinnaavoq.

Imm. 2. Qimmiuteqarnermut akuersissuteqarnissaq pillugu qinnuteqaat Avannaata Kommuniani Teknikkeqarnermut Immikkoortoqarfimmut nassiunneqassaaq.

Imm. 3. Akuersissut inummum tunngasuuvoq, allanullu tunniunneqarsinnaanngilaq.

Imm. 4. Ileqqoreqqusamik matuminnga sorraatsumik imaluunniit nangeqqittumik unioqqutissappata inuit qimmeqarnissaannut akuersissuteqarnissaq kommunalbestyrelsip itigartitsissutigisinaavaa.

§ 4. Qaqugumulluunniit atuuttutut malittarisassiat malillugit qimmit akiuussusersimaneqassapput.

Imm. 2. Akiuussutissaliinermut atuuttuusumut uppernarsaatissatut akiuussutissaliinermut uppernarsaat, kommunip toqqagaanit akiuussutissaliinerup uppernarsaataa, allatulluunniit kommunalbestyrelsip nalilersuina malillugu attuumassuteqartutut uppernarsaat piumasagaataavoq.

Imm. 3. Qimmit qimminut qungasequteqassapput, piginnittup aqqa oqarasuaataatalu normua tassani kigartukkatut allassimassalluni.

Imm. 4. Kigartuissut qimminut inspektørimi, imaluunniit Teknikkimut Immikkoortoqarfiup allaffiani silarlermi atorneqarsinnaavoq.

Qimminut inspektøri

§ 5. Qimminut inspektøritut atorfinitsitaasussamik sulisorisamik Avannaata Kommuniani kommunalbestyrelse toqqaassaaq, taassumalu suliasat makku isumaginissaat akisussaaffigai:

- 1) Qimminut tunngatillugu inatsisitigut pisussaaffigisatut akiussutissaliinerit tamarmik naapertuutsissimanerannik nakkutilliineq.
- 2) Qimmit piginnittuunut pissutsinik nakkutilliineq.
- 3) Qimmit angalaartut, qimmit inuttaqanngitsut, kiisalu qimmit unioqquitsilluni eqqussat pigisallu toqorarneri, imaluunniit pisarineri, takuuk § 6.
- 4) Akiuussutissiissutit amerlassusaannik toqqortarisanillu nalunaarsuinerit, kiisalu akiuussutissaliinermik ingerlatassanut tunngatillugu uumasut nakorsaatur qullersaqarfiusumut tamatuminnaga nalunaaruteqarnerit.
- 5) Qimmeqarfissatut nunaminertani atugassiissutaasuni pituttuiffissat qillerutiginnissaannut tunngatillugu sakkunik atugassanik tunniussinerit.

§ 6. Qimmit angalaaginnartut, inuttaqanngitsut, kiisalu unioqquitsisutut eqqussat imaluunniit pigisat kommunip qimminut inspektørianit aaneqassapput, pisarineqassapput imaluunniit katersorneqassapput.

Imm. 2. Qimmit angalaaginnartut inuttaqanngitsullu toqunneri sioqqullugit ullunik pingasunik sioqqutsilluni kalerriisoqassaaq. Kalerriineq kommunip allaffiani imaluunniit nunaqarfiup allaffiani, aamma qimmeqarfiit qanitaanni najukkani nivinngaasarfinni tamanut ammasumik nivinngaannikkut nalunaarutigineqassaaq. Qimmermik kina piginnittuunersoq qimminut inspektørip ilisimaguniuk allaganngorlugu kalerriissuteqassaaq, taanna piginnittut inunnik nalunaarsuiffimmi najugaqarfigisaannut tunniunneqassalluni. Killiliussatut nalunaarutigisap iluani pissutsit iluarsiniarsimaneqanngippata qimmeq toqunneqassaaq.

Imm. 3. Qimmeq angalaannartoq allanut piviusumik aarleqqutaappat piginnittumut taarsiiviginnissutaanani toqunneqassaaq.

Imm. 4. Qimmeq angalaannartoq qimminut inspektørimit pisarineqarpat taanna kommunip qimmeqarfianut inissinneqassaaq, tassanngaanniillu piginnittup qimmiunni aasinnaavaa. Qimminut inspektørip piginnittoq attavigissavaa, piginnittorlu ullut pingasut iluanni qimmiumminik aallersimangippat piginnittumut taarsiiviginnissutaanani qimmeq toqunneqassaaq. Immikkut ittunik pissutsit atuuppata aallernissamut killissarisamik sivitsuinissaq pillugu qimminut inspektørilu isumaqatiginnittoqarsinnaavoq.

Imm. 5. Piginnittup killissarititap iluani qimmiutiginnissaanik Naalakkersuisunit akuersissummik saqqummiussaqaanngippat qimmeq pisarisaq, kalaallit qimuttutut qimmerinngisaat toqunneqassaaq.

Imm. 6. Toqutsineq piginnittumut taarsiiviginnissutaanani pissaaq. Toqutsineq qimminut inspektørimit, kommunip toqqagaatut inummit, uumasut nakorsaannit imaluunniit politiinit isumagineqassaaq.

Akiuussutissaliisartog

§ 7. Avannaata Kommuniiani kommunalbestyrelse qimminik akiuussusiliinissamik ingerlatassap isumaginissaanut sulisumik ataatsimik imaluunniit arlalinnik akisussaasuusussatut toqqagaqassaaq.

Imm. 2. Akiuussutissaliisoq Uumasunut Nakorsaqaarfik Inuussutissalerinermullu Oqartussaaffimmit (UNIO-mit) akuerineqarsimassaaq.

Qimmiutigisanik nalunaarsuinerit

§ 8. Piginnittup CPR-normua, aqqa, najugaa, oqarasuaataata normua, suaassusia, ukiorisai, akiuussitissalersimanagerata killiffia, akuersissutigisallu normua ilanngullugit qimminik tamanik Avannaata Kommunia nalunaarsugaqarpoq. Allannguuteqartoqarpat allannguutip kingorna ullut 30-t iluanni piginnittoq kommunimut allaganngorlugit nalunaaruteqassaaq. Qimmit toqunerannit ullut 30-t iluanni piginnittoq tamakku pillugit kommunimut allaganngorlugit, imaluunniit nammineq saaffiginilluni nalunaaruteqassaaq.

Imm. 2. Qimmimik piginnittoq allaganngorlugu eqqaasitsissuteqarnerup kingorna kingusinnerpaamik ullut 14-it qaangiunneranni nersut nalunaarutigisissimanngippagu piginnittumut taarsiiviginnissutaanngitsumik Avannaata Kommuniata aallugulu toqussinnaavaa.

Qimmeqarnermut akuersissutit utertinneri

§ 9. Qimminut ileqqoreqqusamik matuminnga sorraatsumik imaluunniit nangeqqittumik unioqqutitsisoqassappat qimmeqarnissamat akuersissutigisimasaq kommunalbestyrelsip utertissinnaavaa. Qimmeqarnermut akuersissutit aamma utertinneqarsinnaavoq qinnuteqartoq piaaraluni qinnuteqaammuni paasissutissanik eqqunngitsunik imaluunniit naammannngitsunik tunniussaqaarsimassappat, imaluunniit akuersissutip nalunaarutiginnissaanut tunngavigisatut pissutsit annertuumik allanngorsimassappata.

Kapitali 3

Qimmiutigisanut sumiiffissat

§ 10. Qimmiutigisanut qaqugumulluunniit atuuttuusutut kommunip pilersaarutaanut tapiliummi nassuiarneqartutut sumiiffinni qimmiutigisat akuerisaapput.

Imm. 2. Sumiiffiit ukiup qanoq ilinerata ilaanni qarsunneqartartut sumiiffiup qarsunneqarsimaffigisaani qimminik inissiivittut atorineqarsinnaanngillat.

Imm. 3. Qeqertanut qimmilivittut akuerisani, qaqugumulluunniit atuuttutut pilersaarutigisatut tunngavigisami piffissami 1. maajimit 1. oktobarimut atugassiissutigisani qimmit inissinneqaqqusaapput.

§ 11. § 3, imm. 1-3-mi qimmiutigisanut akuersissummut taaneqartumut ilaliullugu qimmiutigisanut inissiivissatut nunaminertamik atugassinneqarnissaq pillugu qinnuteqartoqassaaq.

Imm. 2. Qimmiutigisat inissinnissaannut nunaminertamik atugassinneqarnissaq pillugu qinnuteqaat Avannaata Kommunianni Teknikkimut Immikkoortoqarfimmut nassiunneqassaaq.

Imm. 3. Akuersissut inummut tunngasuvoq, allanullu tunniunneqarsinnaanngilaq.

Imm. 4. Qimmiutigisanut nunaminertamik atugassiissummiipput nunaminertamut atugassiissutaasumut nassuiaat, ilanngullugit ungaluukkat inissiffigisaat, ungaluukkat, kalunnerit, qimmit, qimminut inissiat il.il. Ungaluukkiutit, ungaluukkat, qimminut inissiat qimminullu karsinut karsit Teknikkimut Immikkoortoqarfimmit akuerisaasimassapput.

Imm. 5. Pituttuiffissanik qillerinerit taamaallaat Teknikkimut Immikkoortoqarfimmit innersuussaqaareernerup kingorna pisinnaapput.

§ 12. Qimmiutigisanut qaqugumulluunniit atuuttutut pilersarusiornermut tunngavigisami qimmiutigisanik inissiinerit, aqqusinernut, sullissisarfinnut il.il. avinngarusimatinnissaannut malittarisassiat nassaassapput. Atuarfinnut, sullissisarfinnut, nerisassialerinerimik suliffinnut, pallitsaaliukkanut assingusunullu, tamatumunngalu pilersarusiornermut tunngatillugu periarfissaqarfiini qimmit sapinngisamik annertunerpaamik ungasissuseqartillugit pituttugaassapput.

§ 13. Qimmini ataasiakkaani imaluunniit qimuttoqatigiinni piginnittup aqqanik oqarasuaataatalu normuanik nalunaarsuiffiusumik allagartamik inissiisoqarsimanissaanik piginnittoq isumaginnissaaq. Allagartat Teknikkimut Immikkoortoqarfimmut saaffiginninnikkut tunniunneqassapput.

Imm. 2. Piginnittoq aallarsimassappat, imaluunniit attavigineqarsinnaanngippat allatut qinigassatut inuk attavigisassaq allagartami aqqanik oqarasuaataatalu normuanik allassimatillugu nalunaarutaassaaq.

§ 14. Nunaminertat qimmiutigisanut atugassiarisat saligaatsuutinneqassapput, tamatigullu saligaatsuusutut piujuartussaapput.

Imm. 2. Nunaminertat atugassiissutaasut saligaatsuunissaat qimminik piginnittup akisussaaffigaa.

Qimminik pituttuinerit il.il.

§ 15. Qimmit arfinilinnik qaammateqalereersimasut tamarmik kalunnernik pitussimassapput, mattusimaneqarlutik, ungaluukkani mattusimaneqarlutik imaluunniit pituutaqartinneqassallutik.

Imm. 2. Qimmiaqqat arfinilinnik qaammateqalernissaasa tungaannut pitussimannngitsuusinnaapput, taamaattorli Teknikkimut Immikkoortoqarfimmi nalunaarsugaasimassallutik.

Imm. 3. Imm. 1-imi aalajangersakkanut ilaatinneqanngillat qimmit sulisitat naalakkersugaasut, qimmit illoqarfiup avataani suliffiup avataatigut sammisaqarnernut atorpeqartut aamma naalakkersugaasut, kiisalu piffissami 1. maajimit 1. oktobarimut qimmit qeqertani qimmilivinni akuerisaniittut.

§ 16. Illunut attaveqarnissamut ajoqutaanngitsumik qimmit pitussimaneqassapput. Pineqartoq allakkatigut akuersissuteqarsimanngippat inuup allap taassuma illuutaanit 7,5 meterinik qaninnerusumi qimmit pitussimaqqusaanngillat.

§ 17. Qimmeq pitussimassatillugu pituutaq minnerpaamik 3 meterinik takissuseqassaaq, qimmillu qungasequtaa qaqugumulluunniit peerneqarsinnaassaaq.

Imm. 2. Qungasequtit qimitsissutaasinnaasut atoqqusaanngillat.

Imm. 3. Qungasequtit inngittallit atoqqusaanngillat.

Imm. 4. Qimmit pitutat ataasiakkaat imaluunniit marlukkaat akornanni ungasissuseq pituutat siaarsimatillugit minnerpaamik 1 meteriussaaq.

Imm. 5. Qimmit ataasiakkaat pituutaat minnerpaamik atuuttunik marlunnik kavittartunik pituffissartaqassaaq.

Imm. 6. Qimmit kisermaatitat, qimuttunut ilaasuunngitsut minnerpaamik 5 meterinik takissusilimmik pituutaqassapput.

Imm. 7. Qimmit kisermaatitat, qimuttunut ilaasuunngitsut tamatigut pitussimateqqusaanngillat.

Imm. 8. Pituutap takissusia aputeqassusianut naleqqiullugu iluarsineqarsinnaassaaq.

§ 18. Arnavissat naartusut imaluunniit milutsisisut imatut inissinneqassapput imaluunniit pitunneqassapput qaqugumulluunniit qimminut inissiamut, imermut apummulluunniit aporfissaqaratik attaveqarsinnaassallutik.

Imm. 2. Arnavissanut naartusunut imaluunniit milutsisisunut aamma piaqqanut qimminut inissiat imaluunniit ungaluukkat naammattumik aserujaassuseqarlutillu inissaqartitsissapput. Qimminut inissiat imatut ilusilersugaassapput isumannaatsumik anorimut, sialummut apineranullu oqquisitsisuussallutik. Qimmeqarfinnut ungaluukkat qimmit namminneq anillassinnaajunnaarlugit ilusilersorsimassapput.

Kapitali 4

Maalaarutit

§ 19. Qimmiutigisanut atatillugu ajoqutaasunut maalaarutit Kommunalbestyrelsimut tunniunneqassapput. Torersuutitsinermut tunngasunik pissutsinik maalaarutit politiinut tunniunneqassapput.

Kapitali 5

Pineqaatissiissutit

§ 20. Qimmit qimuttut, kiisalu qimmeqarneq qitsuuteqarnerlu pillugit Inatsisartut inatsisaanni § 28, imm. 2 malillugu § 3, imm. 1-3, § 4, imm. 1-4, § 7, imm. 2, § 8, imm. 2 aamma §§ 11-18, aamma § 3 malillugu akuersissuteqarnermut atugassanik aamma § 11 malillugu nunaminertamik atugassiinermik unioqqutitsinermut akiliisussannortitsisoqarsinnaavoq.

Imm. 2. Qimmit qimuttut, kiisalu qimmeqarneq qitsuuteqarnerlu pillugit Inatsisartut inatsisaanni § 28, imm. 4 malillugu ileqqoreqqusamik matuminnga sorraatsumik imaluunniit nangeqqittumik unioqqutitsinerni sukkulluunniit nersutaateqarnissamut imaluunniit nersutaatinik suliaqarnissamut inerteqqummik pineqaatissiisoqassaaq. Inerteqqummik pineqaatissiineq qaqugumulluunniit atuuttussanngorlugu imaluunniit sivikinnerpaamik ukiumik ataatsimik sivisussusilerlugu pisinnaavoq.

Kapitali 6

Atuutilerfia

§ 21. Ileqqoreqqusaq manna xx. xxxx 20xx-imi atuutilerpoq. Taamatut pisoqarnerani Avannaata Kommuniani atuuttutut qimmiutigisat pillugit kommunip ileqqoreqqusarisinnaasai atorunnaarsinneqarput.

Avannaata Kommuniani kommunalbestyrelsimit akuerineqarpoq, ulloq xx. xxxx 20xx

Palle Jerimiassen

Avannaata Kommuniani borgmesteri

Namminersorlutik Oqartussat, ulloq xx xxxx 20xx

Nikolaj Jeremiassen

Aalisarnermut, Piniarnermut Nunalerinermullu Naalakkersuisoq